



**ZAPISNIK SA
IV VANREDNE PROŠIRENE SJEDNICE UPRAVNOG ODBORA
koja je održana ON LINE putem zooma dana 22.01. 2025. godine
sa početkom u 11:00 sati.**

Na sjednici su prisustvovali članovi Upravnog odbora: Adnan Smailbegović, Nihad Imširović Behrija Huseinbegović, Edin Ibrahimpašić, Kemal Čolak, Ladislav Bevanda, Penava Jadranka, Adem Hanić, Šejla Bojadžija, Snježana Koepruner, Džemal Hasković, Edin Jabandžić, Mujo Hasić, Tomislav Majić, Rasim Memagić, Samir Mustafić, Nedžad Siočić i Enver Malagić.

Na sjednici su po ovlaštenju prisustvovali: Sandro Zovko (po ovlaštenju Damir Vidačak) i Senad Skenderagić (po ovlaštenju Nijaza Skenderagića).

Na sjednici nisu prisustvovali: Tomislav Vrdoljak, koji je opravdao svoj izostanak.

Na sjednici su pored članova UO I ESV-a za teritoriju FBiH prisustvovali i članovi UO UPKS, te predsjedavajući grupacija za teritorije i djelatnosti.

Ispred UP FBiH sastanku su prisustvovali Mario Nenadić, direktor, Mersiha Jusić, sekretar i Vedrana Živković, PR.

Sjednicu je otvorio Adnan Smailbegović, predsjednik Upravnog odbora Udruženja poslodavaca i predložio sljedeći:

DNEVNI RED

1. Usvajanje zapisnika sa III vanredne sjednice UO;
2. Konsultacije, priprema i zauzimanje stavova članova delegacije Udruženja poslodavaca u FBiH u ESV-u za sjednicu ESV-a koja će se održati u srijedu 22.01.2025.godine;
3. Imenovanje radne grupe UPFBiH za pripremu primjedbi na Nacrt Zakona o fiskalizaciji transakcija u Federaciji BiH;
4. Imenovanje radne grupe UPFBiH za rad na aktivnostima za Grupaciju trgovine;
5. Tekuća pitanja

Predloženi Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa III vanredne sjednice UO;

Obzirom da nije bilo primjedbi na zapisnik Predsjednik UO je dao Zapisnik na glasanje.



A.D. 1.1. Zapisnik sa III vanredne sjednice Upravnog odbora je jednoglasno usvojen.

Tačka 2. Konsultacije, priprema i zauzimanje stavova članova delegacije Udruženja poslodavaca u FBiH u ESV-u za sjednicu ESV-a koja će se održati u srijedu 22.01.2025.godine;

Predjednik Upravnog odbora je izvjestio prisutne o sljedećem.

Udruženje poslodavaca u FBiH, nakon donošenja Odluke o iznosu najniže plaće 30.12.2024. godine, održalo je **2 vanredne sjednice Upravnog odbora**. Sjednice su održavane pred ili nakon sjednica Ekonomsko-socijalnog vijeća za teritoriju FBiH: Ekonomsko-socijalno vijeće konstituirano je 24.12.2024. godine i nakon konstituiranja održane su dvije sjednice (30.12.2024. godine i 13.01.2025. godine).

Na sjednici Vlade FBiH 30.12.2024. godine donesena je **Odluka o iznosu najniže plaće za 2025. godinu u iznosu od 1.000,00 KM**.

Nezadovoljni donesenom Odlukom, Udruženje poslodavaca u FBiH iniciralo je pismenim zahtjevom sa obrazloženjem, novu sjednicu ESV –koju je predsjednik ESV-a gosp. Čengić i zakazao. Na zakazanoj sjednici nakon više konsultacija na Upravnom odboru unutar delegacije poslodavaca u ESV-u i brojnih drugih formalnih i neformalnih konsultacija Udruženje poslodavaca usaglasilo i na sjednici ESV-a prezentiralo i pismeno dostavilo članovima stavove koji su prilog ovog zapisnika e-informacije (prilog 1) .

Nakon kratke rasprave po prezentiranim stavovima poslodavaca i druga dva socijalna partnera iznijela su svoje stavove koji su uglavnom podržali kao i poslodavci da je polazna osnova za daljne razgovore donešena Odluka o najnižoj plaći (1.000,00 KM) a predstavnici Vlade izjavili su da Odluka ostaje na snazi i da će za sljedeću sjednicu ESV koja je zakazana za ponedjeljak dostaviti prijedlog seta mjera za ublažavanje negativnih posljedica donesene Odluke.

U međuvremenu, Udruženje je imalo intenzivnu komunikaciju sa članstvom, ali i sa predstavnicima sindikata i vlasti i šire javnosti putem medija i na druge načine. Također, nakon posljednje sjednice ESV-a održali smo konsultacije sa sindikatima iz realnog sektora. Tom prilikom smo im jasno ukazali i na problem sa primjenom kolektivnih ugovora u slučaju da situacija ostane nepromjenjena kao i druga vezana pitanja.

Na našoj stranici objedinili smo i objavili izjave koje su nam bile dostupne među kojima posebno skrećemo pažnju na stavove:

Privredne komore FBiH, Američke komore, Njemačke komore, Vijeća stranih investitora, akademske zajednice, zajedničko obraćanje predstavnika sindikata iz realnog sektora,

Udruženje poslodavaca u Federaciji BiH

Maršala Tita br.6, 71000 Sarajevo - Bosna i Hercegovina

Tel: +387 33 552 460 / Tel/fax: +387 33 552 461 / info@upfbih.ba



predstavnik zakonodavne i izvršne vlasti, predstavnik političkih partija, grupacija Udruženja poslodavaca (teritorijalne i granske), predstavnik nevladinog sektora, Glas malih biznisa i brojnih drugih. Također, ističemo da smo uvažili stavove neformalno organiziranih grupa privrednika čiji su prijedlozi bili identični formalnim zahtjevima spomenutih i drugih udruženja.

Iz našeg stava na prethodnoj sjednici ESV-a jasno je da smo krenuli od polazne osnove za razgovore sa minimalnom plaćom od 1.000,00 KM, ali uz prijedloge konkretnih rješenja za ublažavanje štetnih efekata Odluke.

Principi od kojih polazimo su **da u minimalnu plaću treba biti uključen porez na dohodak** čime se postižu efekti smanjenja poreske osnovice a time i smanjenja doprinosa. Naglasili smo **potrebu zamrzavanja doprinosa na plaću na nivou zatečenom na kraju prošle godine odnosno na nivou minimalne plaće** usklađeno sa metodologijom za utvrđivanje minimalne plaće.

Predložili smo da se posebnim mjerama odobri isplata **neoporezive naknade na povećane plaće radnika (preko 1.000,00 KM) u iznosu do 450,00 KM kao neoporeziva naknada.**

Vodili smo računa da ne mogu isti tretman u kompaniji imati pripravnici, novozaposleni, te smo tražili usklađivanje posebnih rješenja za isplate plaće u ovakvim situacijama. Potrebno je konkretno riješiti i pitanja minimalne plate u slučaju bolovanja, redovnih i drugih odsustava, rada na nepuno radno vrijeme i sl.

Formatted: Font: Bold

Također tražili smo **mjere podrške** tj. rješenja za otežano poslovanje koje može biti uzrokovano razlozima ekonomske odnosno poslovne prirode, tržišnih poremećaja ili više sile da bi se onim privrednim subjektima-obrtima koji realno ne mogu izdržati poslovanje pod takvim okolnostima posebnim rješenjima omogućila održivost poslovanja.

Kao što je vidljivo, stavovi Udruženja poslodavaca u FBiH su nepromijenjeni, dobro istestirani unutar članstva i nečlanica, potvrđeni kroz izjave Udruženja, komora, kompanija, akademske zajednice, pa i predstavnika šest sindikata iz realnog sektora kroz zajedničko saopštenje.

Stavovi i principi UPFBiH:

- Polazna osnova predstavnika poslodavaca je da osnova za ove razgovore Odluka o minimalnoj plati od 1000 KM, a očekivanja sa zakazanog sastanka ESV je da se vide i usaglasene najavljena naprave i druga rješenja i konkretni prijedlozi koji će ublažiti štetne efekte ove Odluke ;
- Principi od kojih polazimo su da u minimalnu platu radnika treba biti uključen porez

Udruženje poslodavaca u Federaciji BiH

Maršala Tita br.6, 71000 Sarajevo - Bosna i Hercegovina

Tel: +387 33 552 460 / Tel/fax: +387 33 552 461 / info@upfbih.ba



na dohodak čime se postižu efekti smanjenja poreske osnovice, a time i smanjenje doprinosa ;

- Većina poslodavaca, svjesna ukupne situacije u privredi i društvu, ne problematizira minimalnu platu, nego doprinose i obaveze na netto platu radnika. U tom kontekstu rješenje može biti zamrzavanje doprinosa na platu na nivou zatečenom na kraju prošle godine, odnosno na nivou minimalne plate, usklađeno sa metodologijom za utvrđivanje minimalne plate ;
- Obzirom da će povećanjem minimalne plate na iznos utvrđen Odlukom Vlade FBiH (1000 KM), iz tržišnih i radno-pravnih razloga doći do porasta ostalih plata u kompanijama, predlažemo odobravanje isplate neoporezive naknade na ostale plate radnika, u iznosu do 450 KM ili drugom približnom iznosu sa kojim se usaglase socijalni partneri ;
- Potrebno je unutar očekivanih i dorađenih rješenja uskladiti posebna rješenja za plate-primanja novozaposlenih radnika zapošljavanja kod istog poslodavca, rad pripravnika i sl. ;

Nakon izlaganja predjednik je otvorio [DISKUSIJU-diskusiju u kojoj](#)

[U-diskusiji](#)-su učestvovali svi prisutni .

Tokom diskusije, članovi su [izrazili-ponovili](#) zabrinutost [kako](#) zbog posljedica koje će Odluka Vlade FBiH o iznosu najniže plaće za 2025. godinu izazvati, [ali i zbog sporosti i neodlučnosti u donošenju seta mjera](#) a o kojima su se u proteklom periodu Udruženje poslodavaca kao i ekonomski stručnjaci aktivno očitovali. Izražena je i bojazan da najavljene subvencije Vlade neće biti adekvatno definisane, odnosno usmjerena prema stvarnim potrebama privrede te da je potrebno osigurati da predložene subvencije budu precizno definirane, uz jasno utvrđene mjere i kriterije.

Poslodavci su također naglasili da je ključno da Vlada FBiH kreira poslovni ambijent koji je konkurentan s okruženjem te da je neophodno hitno donošenje odgovarajućih fiskalnih zakona kako bi se osigurala stabilnost privrede.

Naglasili su da podržavaju stavove i principe Udruženja. Principi od kojih poslodavci polaze su da u minimalnu plaću treba biti uključen porez na dohodak, čime se postižu efekti smanjenja poreske osnovice, a time i smanjenja doprinosa. Poslodavci su naglasili potrebu zamrzavanja doprinosa na plaću na nivou zatečenom na kraju prošle godine, odnosno na nivou minimalne plaće, usklađeno sa metodologijom za utvrđivanje minimalne plaće. Također, predloženo je da se posebnim mjerama odobri isplata neoporezive naknade na povećane plaće radnika (više od 1.000,00 KM) u iznosu do 450,00 KM kao neoporeziva naknada. Posebna pažnja posvećena

Udruženje poslodavaca u Federaciji BiH

Maršala Tita br.6, 71000 Sarajevo - Bosna i Hercegovina

Tel: +387 33 552 460 / Tel/fax: +387 33 552 461 / info@upfbih.ba

Formatted: Left



je usklađivanju rješenja za specifične kategorije radnika, poput pripravnika i novozaposlenih, s ciljem osiguranja pravičnosti unutar kompanija. Udruženje je također zatražilo mjere podrške i posebna rješenja za privredne subjekte koji se suočavaju s otežanjem poslovanja zbog ekonomskih i poslovnih faktora, tržišnih poremećaja ili više sile, kako bi se osigurala održivost poslovanja u izazovnim okolnostima.

Nakon diskusije i analize situacije, Upravni odbor Udruženja poslodavaca FBiH jednoglasno je usvojio sljedeće zaključke:

A.D. 2.1. Stavovi Udruženja poslodavaca u FBiH ostaju nepromijenjeni, a već su potvrđeni kroz medijske i druge -izjave Udruženja.

A.D. 2.2. Ukoliko stavovi UPFBiH na sjednici ESV-a ne budu podržani, te ukoliko ne budu pronađena približna rješenja, UPFBiH će nastaviti lobiranje kroz Parlamnet FBiH a vezano za brze izmjene po jednog člana Zakona o doprinosima i Zakona o porezu na dohodak za koji su već pripremljeni tekstovi od strane UPFBiH.

A.D. 2.3. Udruženje poslodavaca u FBiH će i dalje nastaviti sa medijskom kampanjom s ciljem informisanja javnosti o štetnostima donesene odluke i zaštite interesa poslodavaca, a posebno na štetnost donošenja kriterija i provedbenih akata za ublažavanje štetnih posljedica donešene odluke.

A.D. 2.4. UPFBiH će insistirati i forsirati na HITNIM reformama fiskalnog sistema odnosno na donošenju seta fiskalnih zakona.

Čečka 3. Imenovanje radne grupe UPFBiH za pripremu primjedbi na Nacrt Zakona o fiskalizaciji transakcija u Federaciji BiH;

Direktor je upoznao prisutne da je Zakon o fiskalizaciji transakcija u FBiH u proceduri i bez obzira na nelogičnost da je otvorena javna rasprava, prije usvajanja nacrta na Domu naroda, te da je prijedlog da se imenuje radna Grupa koja će ispred Udruženja voditi sve aktivnosti povodom usvajanja ovog zakona i drugih vezanih provedbenih i drugih akata.

U Radnu grupu UPFBiH za pripremu Zakona o fiskalizaciji transakcija u Federaciji BiH a na osnovu konsultacija i razgovora predlažu se: Samir Jusufović, BH Telecom d.d. Sarajevo, Almedin Kadrić, Penny Plus d.o.o. Sarajevo, Adi Turković, GS1 i Tomislav Majić, LINK Mostar.

Zatraženi su i dodatni prijedlozi te je otvorena rasprava.

Nakon diskusije donesen je sljedeći zaključak:

Udruženje poslodavaca u Federaciji BiH

Maršala Tita br.6, 71000 Sarajevo - Bosna i Hercegovina

Tel: +387 33 552 460 / Tel/fax: +387 33 552 461 / info@upfbih.ba



A.d. 3.1. U Radnu grupu UPFBiH za pripremu Zakona o fiskalizaciji transakcija u Federaciji BiH imenuju se: Samir Jusufović, BH Telecom d.d. Sarajev, Almedin Kadrić, Penny Plus d.o.o. Sarajevo, Adi Turković, GS1 i Tomislav Majić, LINK Mostar. Imenovani se zadužuju da na osnovu stavova UPFBiH i prikupljenih primjedbi i sugestija uz stručnu podršku stručnih službi Udruženja, pripreme primjedbe i vode sve aktivnosti vezano za izradu i donošenje Zakona o fiskalizaciji transakcija u Federaciji BiH, te zastupaju rješenja i interese UPFBiH u komunikaciji sa nadležnim Ministarstvom i predstavnicima izvršne i zakonodavne vlasti u svim fazama donošenja Zakona. Ovlašćuje se Predsjednik UO, da u konsultacijama sa direktorom Udruženja, može izvršiti i dodatnu popunu tj imenovanje novih članova i proširiti Radnu grupu ukoliko za to postoji potreba.

Tačka 4. Imenovanje radne grupe UPFBiH za rad na aktivnostima za Grupaciju trgovine;

Vezano za ovu tačku dnevnog reda direktor Nenadić je upoznao prisutne da je potrebno već postojeću formalnu radnu grupu za djelatnostima trgovine imenovati kako bi radila na svim propisima i aktivnostima koje su od interesa za djelatnost trgovine. U tom smislu predlaže da su u postojeća grupa i formalno pravno imenuje, te da se prošiti sa predstavnikom (malih) trgovaca - mesara. Predlaže se da se u Radnu grupu imenuju:

- Nihad Imširović, Konzum&Mercator doo Sarajevo
- Ramiz Mušić, Bingo doo Tuzla
- Jadranka Penava, Meglle doo Posušje
- Amir Pizović, Hoše Komerc d.o.o. Sarajevo
- Mustafa Trle, Amko komerc doo
- Almedin Kadrić, Penny Plus d.o.o. Sarajevo
- Kristina Čosić, DM Drogere Mark~~e~~t d.o.o. Sarajevo
- Haris Muslić, LIDL d.o.o. Sarajevo
- Fuad Mujanić, Mujanić, d.o.o. Sarajevo

Nakon prijedloga i diskusije donesen je sljedeći zaključak:

A.d. 4.1. Obzirom da nije bilo novih prijedloga UO je jednoglasno podržao prijedlog direktora Nenadića da se predloženi kandidati imenuju u radnu grupu.

Tačka 5. Tekuća pitanja

Pod tekućim pitanjima nije bilo rasprave.

PREDSJEDNIK UPRAVNOG ODBORA

Adnan Smailbegović s.r

Zapisnik sačinila:

Udruženje poslodavaca u Federaciji BiH
Maršala Tita br.6, 71000 Sarajevo - Bosna i Hercegovina
Tel: +387 33 552 460 / Tel/fax: +387 33 552 461 / info@upfbih.ba



UDRUŽENJE
POSLODAVACA

www.upfbih.ba

Mersiha Jusić, SEKRETAR

Sjednica završena u 12:45 sati.

Udruženje poslodavaca u Federaciji BiH

Maršala Tita br.6, 71000 Sarajevo - Bosna i Hercegovina

Tel: +387 33 552 460 / Tel/fax: +387 33 552 461 / info@upfbih.ba